



UPRAVA DRUŠTVA	Strana: 1 od 1
Broj protokola: 02-1-04-7-6517-13/21	JAVNO

Datum: 03.12.2021. god.

Na osnovu čl. 69. stav (2) tačka a) i čl. 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke komisije za provođenje postupka javne nabavke robe: Nabavka, izrada i montaža elemenata vizuelnih komunikacija u Terminalu B, broj: 04-6-04-7-6517-12/21 od 02.12.2021. god., Uprava J.P. Međunarodni aerodrom "SARAJEVO" d.o.o. Sarajevo, na 46. sjednici održanoj dana 03.12.2021. god., donosi

ODLUKU

I

Poništava se postupak nabavke robe: Nabavka, izrada i montaža elemenata vizuelnih komunikacija u Terminalu B, proveden metodom nabavke Otvoreni postupak, jer u određenom krajnjem roku nije dostavljena nijedna ponuda.

II

Naručilac će, nakon proteka rokova za reviziju pokrenuti novi postupak nabavke robe iz tačke I ove Odluke, uz analizu razloga koji su doveli do toga da niti jedan potencijalni ponuđač ne dostavi ponudu, a posljedično tome doveli i do poništavanja ovog postupka nabavke.

III

Komisija za provođenje novog postupka predmetne nabavke, biće imenovana naknadno, posebnim rješenjem.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Nabavka, izrada i montaža elemenata vizuelnih komunikacija u Terminalu B, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke predmetne robe, broj: 02-1-04-7-6517-3/21 od 08.11.2021. god., a Rješenjem broj: 02-1-04-7-6517-4/21 od 15.11.2021. god., imenovao Komisiju za provođenje postupka nabavke.

U skladu sa navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-1-1-508-3-95/19 od 10.11.2021. god. Do ostavljenog roka za predaju ponuda, 30.11.2021. god., do 12,00 sati, na adresu Naručioca nije dostavljena nijedna ponuda.

Imajući u vidu naprijed navedeno, Komisija je predložila Upravi J.P. Međunarodni aerodrom "SARAJEVO" d.o.o. Sarajevo da se poništi postupak nabavke predmetne robe, a da se, prije pokretanja novog postupka, analiziraju razlozi koji su doveli do toga da niti jedan potencijalni ponuđač ne dostavi ponudu, a posljedično tome doveli i do poništavanja ovog postupka nabavke.

Uprava J.P. Međunarodni aerodrom "SARAJEVO" d.o.o. Sarajevo, na 46. sjednici održanoj dana 03.12.2021. god., je prihvatila prijedlog Komisije, te je primjenom člana 69. stav (2) tačka a) Zakona o javnim nabavkama ocijenila da su se ispunili uslovi za poništenje postupka nabavke predmetne usluge, iz kojih razloga je donijeta Odluka kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

DIREKTOR
Alan Bajić

DOSTAVLJENO:

1. Upravi Društva
2. Sektoru komercijale
3. Sektoru za razvoj aerodroma
4. Sektoru za PKO poslove
5. a/a